

鉉
水
齋
詩
集

銷水齋詩集卷十二

大興舒位立人

闕逢困敦

元日題畫菜

夜鯉晨鳧未足誇書生骨相野人家年來讀遍羣芳譜祇愛
青山出菜花

勝他依樣畫葫蘆雨甲烟苗綠一鋤領略春風好滋味芳蔬
園裏歲朝圖

春三日送胡二蛻斯書記之上海

纔可相逢歲又除十年南北好居諸消磨公案三生石顛倒
方言一部書蛻斯浙籍而寄家於燕口作北語余燕人而居
吳故能吳語往余記室河間知有蛻斯久矣
手散千金無駿馬身行萬里有鱸魚春潮不翦吳淞水明日

扁舟破夢餘

鄭秋浦侍御激出示重遊盤山詩奉題一首

作詩不厭遲遊山不厭早有此再來人山好詩更好爾時雙
不借往復恣幽討種桃感及前啖蔗味在老出示十九首蕭
然見懷抱跌宕紅塵中游戲青雲表先生昔出山出山焚諫
草先生今入山入山寫詩藁我讀先生詩一讀一傾倒相賞
松石間此志豈溫飽平生半天下熟視衆山小行當躡後塵
酬贈鹿盧躡春愁如落花點點不可埽願貯嚮往心粗待昏
嫁了

題女士歸佩珊懋儀蘭皋覓句圖

分明翠袖倚風裁佳句蒼茫拂緒來占盡人間詩境界萬山
深處一花開

儷雪青琴一曲閒湘人門巷月彎環定知得句還家早夢到
都梁縣裏山

花朝

青鏡年華碧海籌五分春色十分愁東風夜夜吹人鬢只有
花神未白頭

還南湖口見燕

畫簾卷雨細如塵燕子喃喃話一巡來與主人同作客別當
秋色又逢春烏衣國裏勾留久碧玉堂西問訊頻此地鶯鶯
三十六不曾相識也相親

修禊後五日陪秋浦侍御遊弇山王氏園亭作

出郭尋幽賞東風撲面來一年春事足兩岸菜花開天影青
簾舫簫聲碧玉醅分明蘭渚客杖履幸追陪

更掉扁舟去抽簪遠叩關紅飛三月水青送一樓山修竹人
誰倚斜陽鳥共還背吟招隱句歸路卽塵寰

書鄭玉峰太守塞上吟卷後

先生作詩如用兵兵不貴多貴在精先生用兵如作詩詩貴
神速不貴遲金川戰鼓雨點打書生竟作軍司馬萬里功名
一卷詩橫槊吟成磨盾寫一篇歷一地山川形勝如圖記一
字用一才芻糧士馬無不該詩境本奇絕詩情更擊節三尺
之劍三寸筆下草露版上殺賊十萬礮樓礮烟黑弓衣織徧
蠶叢國人生不作韓昌黎從事丞相平淮西猶當去作李青
蓮跳出一篇蜀道難先生之詩兼此態先生之官從此拜曾
經種柳柳江邊此是杜陵前出塞

此卷係爲石碣司馬時作
後官柳州太守從征西陸

有平苗
長歌

連日得梧門祭酒子滿仲瞿兩孝廉書

北雁南魚次第催天涯海角重徘徊尋常愛見加餐字況有新詩得得來

先生大隱隱朝市楊柳樓臺首若盤出便跨驢歸放鴨皆來詩語做詩容易做官難

孫郎才調似王郎各自題詩寄草堂記得舊年三四月風斜雨細夜聯牀

雨夕坐鶴西精舍吹笛蛻斯寫送春詩見示卽用其韻
茶熟香溫候詩成一笛催隔牆憐白鶴連夜做黃梅鏗影飄
珠箔書名記玉杯傷春復傷別一讀一徘徊

風雨愁如約琴樽興漸乖花飛春管領酒散夢安排綵筆憑誰寄丹梯不可階願遲三五夕明月入人懷

松江郡齋聽俞五山人琵琶記去年吳門贈詩忽已改
歲再書三絕句付之

皋橋夜雨舊相聞
翦得吳淞水半分
卻向雲間指吳會
黃梅時節又逢君

重取琵琶信手彈
英雄兒女各汎瀾
分明不是琵琶語
若是琵琶聽更難

關紅羅黑兩泫然
第五之名第四弦
曲罷不愁君別去
此聲長在耳中邊

後琵琶行段可石明府席上作再贈俞五山人是夜彈
卸甲海青玉樹三曲

去年琵琶在君手
今年琵琶在人口
昨夜琵琶在我耳
今夜琵琶在君指
一面琵琶一卷詩
皆大歡喜無異辭
問君何以

華年擅絕技毋亦文章偶然得劍術忽自有酸鹹以外君不

知何不重攜此樂一再三弄之文昌食單戰三雅五日京兆

一日假

段時權柘林判官命時自上海李備兵處來

忽聞酒上琵琶聲滿堂賓客

皆如啞著手一弦飛壯士衣錦衣須臾諸將觀壁上但覺指
瘦弦聲肥大雷忽兮小雷忽虞兮虞兮雌霹靂戰甲銷舞衣
楸入破裂繒出破裂帛變徵換羽各有名還相爲宮皆雁聲
宮聲水斷角聲促海東青來只一撲膈膈膊雞上屋剝剝
啄啄雉登木華亭縣裏鶴赤壁磯前鵲延秋門上烏紆千山
頭雀如是音聲太漂泊爾何不一一平沙落贈君以紅豆相
思之木青棠合歡之枝火鳳黃金之捍撥冰蠶翠羽之蘭絲
彈爲玉樹後庭花一闕語在前詩不具說此夕詩狂刻燭成
此時酒散掉船行翦取吳淞半江水月落潮平夜如海

陳桂堂太守五十學書圖

五十服官政非者陳古華

太守別字古華近又自號非翁

忽載鬱林石卻泛

滄江查卽此已不俗其書當復佳精良具紙筆瀟灑圖烟霞

早歲馳藝苑簪筆如簪花中年磨劇郡畫諾如畫沙歸來畊

硯田與書俱到家入晉出唐宋夢見關枇杷昨寄寫詩扇兩

美欲鬪夸顧蒙謬見諉取鼓雷門搨

學書我不成去而草露布投筆水倒流

山名

三年在戎幕惜非

倚馬才空被塗鴉誤歸飲墨一升四十已初度豈爲鱸魚來

且作身身哺封題用斗麪生計託尺素餓隸飽侏儒學書

學聖見君圖畫好操觚有餘慕願言加數年義鑄而獻塑一

寫黃庭經再寫洛神賦

陽湖陸祁生孝廉在李備兵席上見僕所作琵琶詩謬

辱題後爲書報謝附一詩於書尾並訊林遠峰上舍

參佐橋西夢長安道上塵落花同逐客飛鳥各依人翠袖迴
空空青袍感鬱輪寄聲林處士莫厭鯉魚頻

題女士廖織雲

雲錦

寒香瘦影圖

忽作蒼茫立深閨偶見之萬花秋色裏雙袖暮寒時烟露前
身想星辰昨夜遲青天如碧海此是影娥池

鶴警鱸香地相逢定有因梳頭關進士叉手謝夫人更解丹
青妙能空粉黛塵畫禪叅絕詣原是此花身

李味莊備兵宴客嘉蔭堂歌者孔福方演雜劇中之花
魁孃子瞥有羅浮大蝶飛至繞伶身三市而去祁生孝
廉作仙蝶謠而玉壺山人七香改琦爲圖來索題句蓋
爲祁生作也

東海桃花紅兩鬢南海仙人放蝴蝶水精簾下讀道書屋裏
衣香花不如花非花兮花解語細漏了冬碧紗雨定子當筵
車子喉消息劇於十五女相逢不是青陵臺且占百花頭上
開花開花落凝絲竹絲竹分明不如因海水汨汨山冥冥有
人讀破南華經造得酒樓邀李白傳來絲筆付秦青牽雲曳
雪斑駁送殺粉調鉛寫春夢不知鳳子爲誰來還聞翠釵釵
上鳳

青浦舟夜有寄

開船依舊水西門鐙火蕭條又一郵認得橫雲山下路春風
七十二黃昏

已過黃梅雨未休夕波微綠岸平流白鷗眠熟青蛙歇偷寫
吳淞半夜秋

午時喫飯酉時潮夜語方舟慰寂寥
徑欲抽帆渡黃浦漲痕
低疑一條橋

剛剛二十月離弦別夢蕭騷載一船
今夜夜深深幾許碧紗
窗外水如烟

卻寄味莊先生

春申浦外掉船行銷夏灣頭聽雨聲
回首龍門似天際一雙
蝴蝶眼中明

笛鈿弦索畫堂風比似旗亭鬪句工
別有紅霞春一抹自修
簫譜唱玲瓏

宛轉新詩被酒催綢繆芳訊與花開
不愁孤負鱸魚約會遣
分司御史來

謂秋浦先生
時至滬上

夜雨

昨撲流螢冷一絇疏鐙吹雨釀輕寒不知秋夢如何做窗外
蕭蕭竹數竿

題鄭純人州牧美人說劍圖

一轉秋波出匣中華嚴法界倚崆峒他生願作芙蓉室斜傍
裙腰半角紅

玉貌珠衣弟子行十年霜雪字春坊不如磨得輒如鏡照見
佳人絕代妝

妙蓮華裏團雲隊酸棗林中色界天放下花枝無一語英雄
兒女各神仙

寄懷祝簡田太史滬上

塵帽霜韉不記年相逢一笑雨連天秋生菰菜鱸魚外春在
金釵絳帳邊看過星辰前五六收還風月舊三千戲場棋局

無聊賴付與王郎作句傳

仲器自贈太史詩云中年文字棋留劫老去功名戲散場

停橈相問是橫塘互取天涯作故鄉

太史家海昌而實發解於順天余籍大典而生

於吳門又嘗僑居於浙

南語函胡兼北語官場拓落似科場

太史已酉分校禮闈

以與主試者不相中罷官余是科亦既取復斥頻書驢券遊真倦僅累豬肝願易償

好好題詩趁潮去十年殘夢歷秋航

題秋浦侍御西湖詩後

早從吳會指雲間一舸鷗夷自往還
三百里中黃歇浦一千年後白香山
有情酒物邀同社無稅詩囊出近關
只我舊遊棖觸處鴻飛鷗泊太關珊

米舫席上有贈

金昌門外水迢迢四百紅欄第二橋
楊柳斜扉蟾鬢鎖梧桐深院鳳吹簫
芳年圓似天邊月好語多於海上湖
珍重陽關

金刀齋詩集卷十二
一杯酒莫教偷折最長條

席間度紫玉
釵折柳之曲

牛星廟

不看牽牛星不讀相牛經
王三郎烏世子青郭椒丁櫟無真
形芙蓉湖上浮孤權擗頭忽見牛星廟
石梁流水廟門開銀漢紅牆先一笑
不知誰費十萬錢牛宮一畝畝秋烟
土偶有靈三獨坐匏瓜無匹九府天
君不見農耨丈人田號祖爾牛有力
不如虎天官書中列宿張齊諧記裏
續七襄我是乘查客不取支機石願
買黃犢畊青山人外斜陽坐吹笛

月夜渡江至龍潭

江水洗江月清風爲之指
八萬三千戶玉宇瓊樓排乘查
詣河漢浩若無津涯江濶月更大
衆星濕漉漉魚龍散寒影烟霧霏
秋懷中流吹鐵笛聲與猿鶴諧
卽此睠仙侶上下青瑤

階

纖雲不成朶，月在天上坐。微風不飄烟，月入江底眠。我船此時來，不覺江水冷。船背負月光，船底壓月影。江深月自淡，月動江逾靜。一霎落帆風，三更紅寺鐘。搖船入港去，水月交相從。

翠微亭尋南唐避暑宮故址

清涼山前落日黃，翠微亭上風吹裳。萬里長江細如線，著得降帆纜一片。當年鐵鎖不能橫，誰料飛橋鐵索成。可憐避暑不避兵，燒槽琵琶寒玉笙。卻將銷夏灣頭曲，併入延秋門上聲。

胭脂井

景陽樓外樹棲鴉，腸斷銀牀一抹霞。壑谷未爲長夜飲，隔江

已唱後庭花六宮祕計生同穴九地遊魂死戀家失笑天明
茅經在轆轤惆悵子陽蛙

隨園作

秋老倉山一徑存蕭疏籬落短牆根等身詩卷留天地彈指
闌林付子孫駒隙光陰雲著錄鴻泥蹤迹雪飛痕相看未敢
題凡鳥卻趁斜陽自款門

琉璃世界水精宮六代烟霞入鏡中山染十重簪約本花開
四面鋪屏風池邊紅樹魚窺影簾外青天鳥破空當日挂冠
神武者三層樓閣未能工

二十清華八一癩人生出處此區區命中箕斗能成貝身後
文章不掩瑜鐵限踏穿無我跡珠盤不定爲公吁幼輿耶壑
蘭成賦惆悵臨風立少須

秦淮偶題

桃葉桃根打槳遲渡頭流水鬢邊絲不知懷袖西風急猶唱
青團扇子詞

綠蘋椿礙板橋低斜掩紗窗小閣西誰種千條萬條柳悄無
一箇暮鴉棲

丁字簾前子夜歌鴛鴦小篆寫迴波六朝風雨銷磨盡贏得
當頭月一梭

登攝山絕頂

能著幾量屐直上最高峰一峰穿一雲一雲盤一松千松萬
松撐虬龍翠濤黃雪交天風風蕭蕭樹重重南朝四百八十
寺寺寺夕陽僧打鐘絕頂削出金芙蓉到此不見山但覺去
天尺咫而扶寸飛鳥之跡悄以空星宿歷歷羅我胸平視腳

底何所有長江一水溝西東大船彎彎如張弓小船點點如
遊蜂豆人寸馬畫不工仙山樓閣青濛濛涼秋入九月落葉
不埽紅踏徧來時路已被下界十萬炊烟封人生貴自適一
笠儷一筇有山可登糧不舂興盡而返非途窮若待昏宦既
成始采藥多恐仙人如麻杖晚唾遠颯颯成老翁

金山江天寺題壁

江上看山山點點山上看江江翦翦我從江面到山頭夢見
蓬萊水清淺山僧酌我中冷泉衣袂葉葉風滿天忽憶東坡
老居士一條玉帶三千年

許聖舟次接家書述及蔣香岑少府宋左彝助教唐稚
川秀才先後謝世愴然出涕感賦一詩

三知已在中州集一紙書來上水船客舍檠條如昨日鄰舟

吹笛忽今年刀鑲馬首生能唱詩卷牛腰死定傳

蔣新自伊
吾賜環

宋唐皆丁只恨招魂無處所東西南北別離天

詩有稿

戴錫貞石寄書以至蘇州不得見王仲瞿爲恨作此荅

之并示仲瞿

昔者王子猷夜訪戴安道雪片大於掌與盡還家好人生離
合緣前定不草草離者在形骸合者在懷抱王甥蠟屐去泥
上飛鴻爪戴甥掉船來門外題凡身古今有往還主客無煩
惱呼童剖鯉魚公案一重了

雨中陪秋浦侍御遊橫雲山并送北歸

來不必鱸魚膾去不必驢子背登山臨水別離難況復別離
當歲寒歲寒颯颯多風雨一棹扁舟十里許眼前突兀見一
山山上白雲橫不關遲我南飛似鳥鵲送君西笑向長安酒

不必依金谷數夢不必到金臺路只消一曲碧桃花抵得兩

篇赤壁賦

春時與侍御修禊余山有詩

旃蒙赤奮若

初春吳門歸舟卽事

偶然興盡且還家腸斷山陰雪後槎鶴背輕裘橫北固馬蹄
殘夢見東華雞蟲得失兼無定魚鳥升沉各有涯我是元都
癡道士替人前度種桃花

市上簫聲寺裏鐘當歸相贈不相逢饒牽蓴菜羹千里冷負

梅花酒一篷

鄭玉峰太守間余返棹寓書約至雲間欲與陳桂堂探梅鄧尉山因而未果

樹子可

憐猶楚楚草書不暇太怱怱分明暮雨吳娘曲知隔松陵路

幾重

蘇州塘對秀州門家具移來又一邨

時自禾中移具吳下辛苦光陰雖

甲子酸鹹滋味鴨餛飩催租風雨詩無價著錄雲烟墨有痕

四十年前石頭路再來翦燭話黃昏

余生於吳門
大石頭巷

買山支遁去無緣賃廡梁鴻住有權如此功名思爛熟二三
親故與留連堂通井竈開三徑人趁琴書載一船留得小山
叢桂樹坐看雞犬各成仙

詠史

華陰山自爲大淮南王自言尊試問開門節度何如橫海將
軍

前
百尺樓歸何處千里草來偶然作公王文舒後成佛謝靈運

江上

江上春風也世情布帆十幅畫船平來看鳥鬼家家養去與

金刀剪詩身卷十二
十一
羣鷗日日盟送客非關何彥德向人猶作謝宣明道旁一樹
垂楊柳青眼無多媿此生

書太元經後

子雲好奇老不休萬八千字盤螭虬王莽符命未嘗用許慎
說文不見收未知好此作何意但見讀者張兩眸如逢惡鬼
驚夢寐如遇生容強應酬如人中酒女閉幽一字不識非吾
憂司馬相如作之備昌黎韓愈揚其流來日大難唇口燥華
嚴小劫子母留古木盤根以錯節野鳥格磔而鉤轉所以造
字鬼夜哭十八地獄無音喉當年太元醉中草門生時復進
一甌醒來自悔不成字遂從高關五體投人間定合有數本
太沖藩溷襄陽舟鈔胥居奇五都市貧兒暴富千金裘潛虛
賢者亦不免紹述園記乃效九淵明老子忽大笑揲擲五斗

如蟬蛸歸來醉臥北窗下讀書不甚相解求吾不爲鄉里小兒折腰去甯肯向莽大夫故紙埋吾頭酒杯或可添一足醬甌彼自遮千秋

西有山人鐵筆歌

吳生捉刀刀不死以刀作筆石作紙初但橫刀與石磨旣乃石與刀深交遲之又久兩俱化目中無石手無刀巨乃力斲萬山骨細亦明察三牛毛觀棋爛柯不知遠射虎飲羽良足豪生爲此技有年所浸淫不懈及於古偷閒與我一過從道我頗能識甘苦我聞繆篆初傳自秦漢其文屈曲纏繞多綢繆迨唐陽冰盛傳摹印法兼取犀象金石盤螭虬會稽山農煮石山新意朱文白文花乳窮雕鏤乃知日月斬新天地變豈有世襲假司馬與關內侯俗工不復知規矩別作模糊逗

秋雨或毀圭角攀玉壘或謬點畫傲石鼓市中言語訛三虎
穴中伎倆窮五鼠頑山必待五丁開鈍刃空磨十年苦徐凝
界破水濺腰斛律倒懸釵折股配以史游急就章印入陳搏
混沌譜生聞我言笑不休謂此雕蟲非解牛自從追秦馳漢
魏天下石頭皆木頭壓挽百八珠未免兒女愁新豐識雞犬
又病衣冠優不如我自用我法輒復與古時相謀其次繁簡
善布置其次向背精研求亂頭麤服固自好淡妝濃抹甯非
尤我聞此語心搖搖我心匪石筆不刀壯夫不爲語自激知
已難得情彌驕六州之鐵五色石直須痛飲歌離騷石不能
言鐵亦不繞指君不見尾生之柱魏公之硯亦如此

分明

急樣梳頭竟著髻睡痕紺袖未曾指最無聊賴春過眼絕不

猜疑月入懷竹子光陰勞問訊杏花消息費安排分明青綺
疎窗下知傍瑤臺第幾階

舟過佘山憶去年修禊於此因懷秋浦侍御

青山如遠人人在青山外東風似去年禊事觸高會烟波畫
船裏絃酌間羅黛瘦陪一筇扶橫打兩槳待春歸瞥又三酒
醒慳難再先生故鄉心燒券山水債賤子迴颿搗杏花不能
賣馳猶感駒隙饒乃近鱸膾北雁南鷓鴣相思緩衣帶

松江道中

婁關春水碧於泉纔過花朝二月天乍許梁鴻來賃廡又同
袁虎趁租船半江風靜烟光直三泖潮平塏影圓認得細林
山上樹相逢楚楚又今年

待我山臆詩作進退格

谷口春殘黃鳥飛，辛夷花放杏花稀。始憐幽竹山窗下，不改清陰待我歸。此唐人絕句也。余去年記室松江郡齋所居，鶴西精舍牕前有修竹一叢，朝夕相對，意蕭然閒遠。今春再至時，物已遷而嫋嫋者如舊相識，因取其意書於楹而系之以詩。

朱鳥青牛話歲寒，綠烟蒼雪視刀鐮。桃花前度劉賓客，梅樹今朝庾子山。大嚼好逢盤鶴地，清談合築鬪雞欄。身非雜俎休相笑，贏得平安往復還。

• 錢師竹深林月照圖

涼夜風篁夢較遲，抱琴來寫畫中詩。不知秋思誰家好，又是蒼蒼月上時。

右丞亭館左司牀，曾到幽人舊草堂。記得翠琅玕裏路，四圍

加水一層牆

繡觀音長軸

吳江吳氏
女子製

文殊不出女子定十八層天色究竟色卽是絲乙乙抽慈雲
一朵聞思修針神去後吳江冷唾絨不度鴛鴦錦八鬣蠶中
圍客絲三生石上牛童影不施綵筆畫圖傳勝鑄黃金香火
緣癡絕世間兒女子買絲只解繡平原

夏夜獨坐有雨

今雨相連舊雨聲人間那得有長晴已憐身向餘花散更恐
螢隨腐草生紈扇拋殘三伏暹布衫濕透七斤輕蒼蠅晝擾
蟬宵聚兩耳如何肯暫清

好笑淮南杜牧之二分明月占當時若教東閣天陰慣未必
青樓夢覺遲蒹菜鱸魚三語掾朱門蓬戶十離詩爲因窗外

蕭蕭竹是雨非風徹夜疑

鎗花低亞鼓聲寬
明日先愁行路難
豈有酒酸能買醉
空勞米貴勸加餐
熏來衙濕衣初潤
添入潮音水更寒
好待亂鴉啼過曉
北窗支枕夢闌干

六月二十四日荷花蕩泛舟作

吳門橋外蕩輕艫
流管清絲泛玉鳧
應是花神避生日
萬人如海一花無

棟花風老意闌珊
難覓吳王銷夏灣
腸斷采蓮人去後
鴛鴦飛過洞庭山

送蒯鐵厓通守改官粵西卽用其留別原韻

相逢狎恰便相知
恨不相逢不恨遲
京洛風塵歸燕後
山塘鐙火聽鶯時
詩當離別尤能好
官到遐荒未覺卑
記取烟波

畫船裏愔愔三五月盈虧

民風本末別澆淳吏傳由來異酷循治水已聞前典午

君嘗
爲贊

州司

看山況有女唐寅

夫人錢氏
同行工畫

家隨遠宦終勝客瘴避深

秋卽是春

粵瘴過霜
降卽止

桂海虞衡鬱林石他年歸計未全貧

山笙夜月記吹蘆二十年來舊夢孤人喪鬼關來活句佛桑
仙掌寫生圖遠行祇隔一衣帶好語願聞五袴襦恨不重尋
共君去翻教故我勝今吾

指此江流是去程青蒼吳楚布帆輕一峰獨立還成秀兩水
相離各自清半刺功名欣驥展五湖烟霧遲去鷗盟橫簫短
笛西風峭一段陽關萬里情

中秋夜獨泛虎邱綠水橋迴棹有作

碧海青天路可通瓊樓玉宇寫難工夢回峽蝶屏風裏秋在

琉璃世界中一水軟雲環畫舫萬花冷露潤歌叢分明七里
山塘月千里相思訝許同

四百紅橋子夜開蘭舟欵乃轉灣來水精簾下措妝鏡藥玉
船邊瀉酒杯笛裏宮商人記曲山前鐘梵佛銷災黃昏一箇
黃金價細漏了冬不敢催

綠波東畔粉垣西別有羈雌隔夜棲銀甲琵琶絃大小珠簾
豆蔻樹高低思量桃葉春來渡宛轉楊花雨後泥認得枇杷
門兩扇金魚牢合鳳輕題

秋夜陳桂堂太守招同熊夢菴祠部伊墨卿太守訪劉
蓉峰觀察寒碧山莊主人他出郎君次山茂才留飲半
舫觀太湖十二峰喜晤王椒畦孝廉索圖紀遊拉雜成
詩卽送墨卿權知揚州

我昨夢入羣玉山瑤簪瓊岫皺屏顏掉船欵乃江水白寒碧
山莊一卷石茂苑夕陽西閭門身欲棲野鷗三四點凡身不
敢題徑來雲林堂上遊惟見眼前突兀開清秋池閣高低山
向背迂所經營頓所拜以火來燭秋色紅一水一影飛一峰
繚垣徑絕風雲通壁立四面青芙蓉地環花步百弓路人到
楓橋半夜鐘平生未識劉夜坐失笑題詩先有我園林佳處
酒盈樽石不能言意曰可誰爲老畫師王宰真跡人未知竹
不醉饑太守春不負狂分司風前皎皎瓊樹枝細漏十二催
銅池客視月旣落主稱露未滋君不見謝元暉二百年來無
此作又不見蘇子瞻三百年來無此樂況對此君乃大嚼世
間竟有揚州鶴袖中東海從我遊紙上西園向君索

桂堂太守出示上阮中丞論賑書因題其後

流民一幅誰能繪宰相三書定可聽自向絳紗帷下寫分明

小楷度人經

太守時主講
葢山書院

二難三便

書中
條目

論彌工州吏清官語更通

雲臺先生答詩天
下有清官絕無好

吏往復不嫌殊出處兩賢真有古人風

書潘榕皋農部水雲笛譜後

子夜鐙花手自挑水香雲影夢迢迢分明風月三千外別有

閒情記洞簫

梅花殘雪菊花霜漁譜費洲笛裏香搖徧姑蘇城外路一枝

柔艣亦宮商

樂天好為新樂府伯時能畫古陽關若向旗亭沽酒去定將

非水換名山

官尹兼留少圖

先生名士之風流昨日朱顏今白頭我我周旋似形影檢與
神方教駐景五陵同學衣馬肥三河諸子風雅微當時結客
知何處今日逢君是阿誰河陽一縣花渭濱千畝竹未愁歸
有田甯可食無肉不須現出宰官身只須畫作箇中人手與
玉塵尾同色意取瓊樹枝相親幸非過江衛洗馬險亦入市
潘黃門捉將官裏詩無敵留得春來筆有神愛君真面目惜
君好身手三十年中十萬夫不及當時一杯酒況我已過龍
鍾三十九千里萬里同鄉人四十五十年友贈君以彭澤
索米之腰支樊川落花之鬢絲珠玉隨風之咳唾金石擲地
之歌詞少年年少且留之還君老衰君莫辭君不聞山頭震
盪如嬰兒

題趙山癡壺隱寓居

山癡未必癡壺隱真是隱賣藥日月長催租風雨近我聞古
吳會賢者之所忍春米廡下傭吹簫市上窻不如隱壺中壺
以外皆疾洞見垣一方惟俗不可診願君采華芝余亦謝不
敏

虎邱二姜先生祠

二妙東萊聚一門百年詩史記梅邨全收兒女英雄淚別妥
忠臣孝子魂家國傷心同日破死生揮手兩朝恩青山綠水
還祠廟劫火無灰血有痕

望山山人石友歌爲陳雋卿孝廉作

石產端谿厚不扶寸修四寸有奇廣三寸首微銳背
鑄分書望山山人石友六字蓋尹文端公硯也吳門
陳立巖先生居公墓府最久牋奏多屬稿公以硯贈

先生今其文孫兆儲世守之

與石爲友石不言尹公之佗取必端先生於公爲上客公友
先生如友石山頽木壞石具存誰歟藏之先生孫端州老谿
蕉葉白知其白者守其黑公昔節度江南時兼三不朽人所
知先生茂材舉異等紅渠潒水相因依石友草疏疏入早石
友聯詩詩更好蕭條恨我不同時什襲付君爲至寶直須一
日三摩挲他山之石不足多殺墨如風筆如雨不聞墨聲聞
筆歌卽論石材已奇絕況有精神相注結窮年心事忘年交
以膠投漆誰分別

書鄭玉峰太守平苗紀事詩後

綠海參軍日紅江殺賊時同行萬里路遲讀十年詩

丁巳余

勤侯幕府駐兵南籠綠海子太守時領郡柳州隨兩廣督帥
率師至西隆州與黔兵合剿兩省叛苗旗鼓相去祇隔一紅

水江 鹽鼓擊蕤菜弓衣繡竹枝相逢笑絺縵我亦杜分司

海紅瀟碧之圖

玉壺山人寫文珠小影於紅禽翠竹之間子若孝廉
以儷語作序竝用唐楷法書入圖中則三絕也

唱斷雞聲折柳條收將鳳紙寫蘭茗十年杜牧誰家夢一卷
崔徽昨夜潮絲筆朝雲烹鯉讀素紈秋月悵鸞飄分明濃笑
書空字手自熏香意也消

都將竹子伴鸚哥紅暈胭脂綠借螺日暮天寒人獨自鏡明
香炷夜如何別離地有微塵起歡喜天從色界過留得一重
公案在奈他臨去轉秋波

詩無題目畫無聲況有驚才絕艷名芍藥新文窺六代珍珠
密字記三生風吹水上干何事月墮懷中識此情萬一夜深

眞夢見浣花牋是妙花城

綠梅花圖爲子茗題

紫府仙人隔絳紗黃姑天漢冷秋槎倩誰管領春消息只有
問門夢綠華

羅浮山外月如弓翠羽飛來一笑濃容我題詩寄花片分明
勝似碧紗籠

吟處難消昨日愁畫成也得幾生修自從黃鶴樓中笛漢水
年年似鴨頭

疎影填詞細似塵消寒圖裏詠花人不須更乞閒螺黛但買
胭脂便是春

次韻鄭五伊甫上舍見示金昌感舊之作

一半鐘聲一半潮錦帆溼對繡幃橋夢從杜牧詩中覺魂向

江淹賦裏銷駿馬千金臺擊筑流鶯百囀市吹簫不知陌上黃驄曲楊柳今年賸幾條

樓上黃昏促晚妝芭蕉休更笑丁香前谿舞罷空垂手歇後詩成易斷腸紅豆安牀應有夢青荷作鏡本無光人間已恨蓬山遠不是蓬山更杳茫

秋風春月等閒吟難向迷香洞口尋有界色天應易積無邊苦海底尤深玉壺楚楚盛紅淚珠樹迢迢暗綠陰爲問青陵臺上蝶看花能許見花心

無端兩姓自成邨何處雙飛欲傍門繾綣司中鴛牒錯娉婷市上鴉媒存簾開落葉愁如片衫點餘花唾是痕但使幽蘭儷公子不須芳草怨王孫

雲間張元卿秀才

公璠

見贈金縷曲二闕詞翰雙美中

述不佞從軍時事竝謬賞少日所撰琴尾詞作此報謝
吟成歸燕送飛鴻蠟淚蠶絲笑轉蓬遼海文章紅勒帛齋廚
香火碧紗籠人傳井水歌三變路隔鄉山夢幾重忽漫青琴
彈大海半江芳訊翦吳淞

金縷新聲倚箔填銀鈎細字寫蠶眠多君險韻題餠者

來詞有風

雨過重九句

累我虛名畫餅然敢詡功成營外柳未妨曲誤府中

蓮相逢不用誇葦菜自有黃花五百年

馮鸞庭太史寄示新註樊川詩集奉題二首

拓落淮南舊幕僚斯文風雨重開雕府兵已廢十六衛春夢
不歸廿四橋錦瑟西崑箋可繼

侍御孟亭先生有玉谿生詩詳註

玉臺東海

序先標

吳穀人祭酒駢體作序

爲他綠葉成陰後灑淚千秋諡洞簫

奈颺輕烟燭替灰幾時笑口爲花開兩家黨禍歸青史一代

詩豪掩綠苔，載酒居然成浪子。著書終竟愛奇才，分明爨下孤桐尾。難得中郎遠聽來。

送雋卿還吳

老我三條燭，逢君百尺樓。偶思葦菜好，相視杏花愁。飛入尋常燕，馴來浩蕩鷗。幸然風雨在，對榻過深秋。

茸城連茂苑，往復不同時。米價拋心力，茶烟吹鬢絲。素心期卜宅，老眼善論詩。十日平原約，重來莫太遲。

自題畫禪餘韻後

打就疑團覓導師，十年辛苦挈軍持。誰知歸去靈山會，只在拈花一笑時。

有句無句，藤倚樹千點，萬點絮沾泥。倒卻門前刹竿者，酸風東射水流西。

柔兆攝提格

讀戚繼光傳

樓船橫海海水立浪花羣飛礮聲黑十年祀神紳不靈七道
攻賊賊轉急將軍舳舻東海東鴛鴦陣列鯨鯢封積水不知
日本國捷書早到甘泉宮初遇東營舉再擊平海衛龍蛇一
鏡卷烟波絃酌三軍整巾帶誰爲趙充國險作馬伏波開邊
功罪自可定著書歲月何其多可憐垂老轉局促百戰間關
百身贖前時尙有胡梅林後此更無張太岳

雪夜

閉門聽雪雪濺濺開門見雪雪片片薄月當頭暗於鏡酸風
射眸疾於箭一百五日寒尙遘三十六天春已徧中宵潑水
憶衾裯下策火攻到筆硯不願庭中撒作鹽不願井邊堆作

麪但願今宵酒價高不覺明朝米價賤

懷仲瞿

君向杭州去我向蘇州住杖策招隱時吹簫乞食處食亦不可乞隱亦不可招王氏菴三畝查家橋一條去年寄君書書就不得寄今年懷君詩詩成不得意滅竈梁童子牽船張孝廉梅花三百樹夜夜水精簾

儲向之秋林讀書圖

青山紅樹白雲晴破許工夫寫得成三十年來無一字天風

吹老讀書聲

圖成於乾隆乙未宜興路學宏寫無一人題者

經畬堂對畫山樓陽羨文章第一流阿大中郎羣從在撚鬚
抱郭自千秋

卷畫谿山老畫師夢中綵筆此傳之風樵烟網都相識定有

田園雜興詩

皋橋廡下悵盤桓船入荆谿夢未寒欲向坡公理前說讀書
容易買田難

題吳興沈芥舟所畫潯陽琵琶圖

商人例不解琵琶罰向浮梁去販茶留取青衫兩行淚調鉛
殺粉寫蘆花

不似灣頭馮小憐卻如江上李龜年畫師詞客都愁絕難得
佳人老大傳

華亭方正學祠

西山天下大師墓東海讀書種子祠一代君臣生死際百年
南北廢興時口中木石銜精衛身後文章替左司此亦因緣
香火地吳淞江水綠差差

孫子瀟以乾隆乙卯舉人中式嘉慶乙丑會試名皆在
第二旋以二甲進士入詞垣爲作此詩

臣無第三亦復無第一大歲遁甲又逢乙南宮五友忘其三
北斗九星見者七若遇歐陽修發策讓一頭何妨溫太真過
江第二流卽不及孫伏伽亦當如孫仲謀

子瀟行二一字泥金一

浮白與君重上孫楚之酒樓登科記中織錦字郎豔獨絕世
無二葢珠榜上詠霓裳奇必有偶中必雙蜂腰格律耽佳句
龍腹才名訝奇遇桂子落凡幾處杏花開凡幾度柳汁染凡
幾數差池不唱歸燕詩崢嶸不作幽蘭賦干佛名經十賚文
世人那得知其故君不見八百孤寒兩行淚餘人更在孫山
外畫出紅綾餅裏名填還淡墨瓊邊債而況英雄入敬贗一
星進士出身天九層摺笏猶勝讀杜牧彈箏聊可嗤丁棧元

祐碑中文潞國昆明池上沈雲卿秀才作脚當第幾安論三
求與六李鯉登龍門水浩浩鼈戴蓬山石齒齒玉堂閒話占
夢書朱筆點頭似有理玉堂閒話范質夢一胡孫甚大又有
人以朱筆點頭九經蔣之才占之曰
君中第三人矣蓋以胡孫之大者爲猿算法圖三徑一而朱
點則事分明也此於占夢甚拙而子滿既居第二會元又爲
錢塘胡敬總裁官則朱石君閩老似與且當伸脚踏李三捉
此夢遙合故戲用其事入詩而并註之

鼻傲宋五旣不作王摩詰畫解頭又豈爲徐干木署紙尾
太湖舟中對雨重題鄭侍御盤山詩後

九經杜光庭四海習鑿齒紛綸著作才詩其餘事耳賢者不
可測餘事視餘子盤山十九首冰雪攜行李就舫讀數篇細
雨隔船起三十六天花花花散空裏七十二峰雲雲生袖
底詩情澹不收詩境遠相似笠屐坡公圖邱壑幼輿背青山
踐宿期青袍絕廡仕一卷彈青琴茫茫聞海水

江上琵琶篇爲香巖儲二作卽題其添香圖上

種樹不種陰買妾不買心可憐綠腰曲不及白頭吟四條弦
線三生石一舸鴟夷五湖宅石崇新曲早教成馮淑春風幾
錢值轉身說法逢天女三十三天花欲語抱得琵琶影似月
彈得琵琶聲似雨雨落不上天月好難重圓青琴飛大海錦
瑟怨華年謗書一篋如火下別賦一篇和淚寫人間定有蕭
監州江上難尋白司馬直把西河館季孫險網西施別贈人
長千曲裏送郎去短簿祠前留妾身此時琵琶聲已歇此時
琵琶情未絕纏我琵琶弦弦長不繫愁定我琵琶柱柱短不
遮羞願作琵琶面彈出歡聞變不作琵琶槽火鳳空心燒且
向枇杷花下住遙知楊柳是門處捉將官裏使人愁待得君
來逢彼怒也知打鴨驚鴛鴦何事隨鴉怨鳳凰數去雨雲太

輕薄歸來風月尚清狂忽作故鄉恨不作同鄉問燒券有違
言抽簪託芳訊錢樹子不可倒玉鏡臺不能埽五角六張十
二時可憐三五小星小大星小星山上山大珠小珠彈復彈
不怨桃花人薄倖但怨楊花委薄命琵琶琵琶好在無賞心
事少賞音孤彈成紫玉黃衫曲寫入身絲紅袖圖

得仲瞿山中書卻寄

占得恒河一點沙茆菴佳處卽天涯拋殘北郭詩人社成就
西泠隱士家所居玉菴卽南宋馬一屋莊嚴妻子佛六時經
勝爲姜白石樓隱處濟米鹽花舉亭山左秦亭右看殺芙蓉兩面遮

樽酒三瓶隔夜來封題鄭重爲君開草書最愛恩恩不恠事
無端咄咄纔梅鶴因緣清入夢純鱸滋味冷相陪不知臘月
王摩詰可有山中裴秀才

史烈女詩

女秀水人許字仁和沈守坤聞訃殉節年十七嘉慶五年彙題請旨準旌其君舅觀察使安岑先生製

卷徵詩

一死非初志何心敢望旌其人能入夢此女尚如生

守坤足徵跋女

固未知是夕夢中守坤告女以死如其形詰且而凶問至遂自剄也破格彰奇節徵詩識苦情

湘東三品筆宥署玉臺名

風雨山頭石行人聽杜鵑難填精衛海忽補女媧天白髮三千丈紅絲五百年鴛鴦湖裏水流不到重泉

青浦道中

薄暮扁舟急新秋水國寒月來山影濕潮去舫聲乾蟹椀鏗微出鳥棲樹未安九峰三泖地往復太無端

奉和趙歐北先生八十自壽詩原韻八首

量徧瀛洲萬斛塵大千世界小陽春國中故事徵三老林下
新詩見一人自養生機仙暗合能叅活句佛同因管絃未散
搖鞭去不負看花是此身

封侯何必面如田骨相來從酸棗天春向百花開處早詩當
萬卷破時傳囊邊青錦懷芳草壁上黃河貰酒錢誰識三千
風月外胸中別有四千年

先生著二十
二史劄記

絕代輜軒孰短長風雲嶠岫海天荒消磨千古文章事開拓
無邊瘴癘鄉百雉書城嚴寶鑰一波宦海仗慈航梅花本是
高寒格肯自輸材作棟梁

筆如風雨劔如虹夕奏飛書曉挂弓不獨一身都是膽只須
半部已成功閒來拊髀心猶壯妙處撚髭手更工贏得家家

金才刃言集卷十二
畫團扇功臣閣外歲星中

東南耆舊恨星稀到此欣逢榮啟期
一殿靈光猶突兀三生慧業與驅馳
音塵寥落當官苦几杖追陪隔歲遲
釀取芙蓉湖裏水稻香酒熟介春時

枝上禽聲亦朋友山頭雷響似嬰孩
等身著作皆能壽絕頂聰明不患才
繞鄰芝蘭芳氣味及肩桃李鬱栽培
詩人自古多逢吉九十寶筵尙酒杯

回首登堂歲幾闌白駒影裏感青鸞
吹簫市上逢人易托鉢城中拜佛難
松柏蒼分盤鶴徑珊瑚紅拂釣魚竿
陽春一曲惟愁和重把先生險韻看

手自丹黃鬢自皤細論遭際不虛過
門生衣鉢都爲相謂錢

筠浦先生今爲體仁閣大學士
先生癸未本房中式進士也
新婦羹湯已作婆文苑傳中

循吏少武夷君下遠孫多香名清福兼消受陋說征蠻馬伏
波

題仲瞿落第硃卷

亦是當時體誰知絕世才人間紅勒帛天上紫雲迴九轉丹
無訣三條燭有煤青雖藍所出朱以碧相猜洗馬言愁始

洗馬

東蘭那爾豐阿分校禮闈得卷歎爲絕作而力薦不得售

屠龍悔技纔雲霞赤城起波浪

赭山開軟撲塵三斗香凝淚一堆長歌錦囊血小劫墨池灰
蝴蝶迷花去珊瑚漏網來棗糕嘗未得綾餅畫堪哈字比泥
金好吟憐附火回紗籠遲拂妓繡祿倒縹孩南國芙蓉樹東
鄰豆蔻胎緋衣空解識綺語或消災貴紙鈔形管名經守絳
臺如何燒尾宴不及爨琴材

胥燕亭大令楚頌圖

不須三百洞庭霜棗樹諸天李道傍一種酸鹹滋味外墨花
濃占黑甜鄉

浪說歸田七品官歸田容易買田難空言也被東坡妬當日
無人作畫看

又題杏花春雨江南圖

舊夢細於塵花開夢又新酒家何處有一卷江南春淡墨不
添雨青山如遠人果然畫中住吾亦欲比鄰

蜘蛛網龍篇

海州有蜘蛛恠不知何代物也能噓氣爲黑風居民
每望見風起如黑烟蓬蓬則皆嚴閉戶闢行者而牆
壁伏風過乃已習爲常亦無他害一日龍擊之雷雨
旣作蛛吐絲網龍窘不能出格鬪凡數十須臾而濱

海皆水矣始有火龍者二焚網出龍蜘蛛遁莫識所
往詰旦於數十里外有物縱橫散落圓膩而色灰圍
如人臂或數寸至尺若干處金石無所傷而兩頭皆
焦火痕

人不見風鬼不見地魚不見水龍不見一切器獨見蜘蛛精
近海歎黑氣氣逼海水水逼風海風墨墨海雲濃漆鏗不照
水精宮鼈背暗壓蓬萊峰身鱗浮沫海扇騰空爰居避走龍
出現以角聽之三日聾呼龍咩烟龍愛寶分明龍大蜘蛛小
豈知龍見蜘蛛氣不見蜘蛛絲一絲兩絲徐吐之千絲萬絲
疾若馳雨點小霹靂雌屠龍豢龍龍不知蜘蛛太巧龍太癡
大似虎陷關小亦抵觸籬上不得登天唱刀鏗下不得入海
解倒懸無可奈何束縛來人間一撞海山搖一掉海水翻逐

臭之夫狂走汗如生鐵汁既非網西施蠶上山蚩尤五色迷
上下天孫一梭擲往還何以買絲繡作浪花朵朵金鸞環絲
長不能已絲密不知幾絲亂不可理千氣萬力頭腹尾可憐
不出蜘蛛一網裏帝旁投壺玉女嬌一箭躍出蓮花驍低頭
拾取見龍戰見首不見尾其血元黃麩回身啟齒奏天帝何
不下界除此妖金星乃言此是絲絲延延淫氣擢髮不可數
法當用火燒紅雲居中赤燦怒檄絳虬凡兩條一然犀一焚
巢丹烟朱霧海水焦絲寸寸礫蟲譁譁逃但見龍潛蜘蛛隱天
搖搖火水未濟終此爻明日蜘蛛不吐氣拾得殘絲如斷臂

袁浦小泊感懷沈松廬先生

何人長笛倚樓前吹近山陽向秀船華屋西州無路入釣竿
東海有詩傳頗聞遺愛留三策忍負高情過十年惟有前期

今不忘一樽風雨對牀眠

王母山作

王母山頭石風神廟下舟天邊日南至門外水西流精衛苦
相塞馮夷寒自鏤今年魚不樂迎臘抵防秋

河伯開宮日司農發帑時徐州五色土瓠子七言詩水濁狐
猶聽隄穿蟻不知一歌將進酒種秫已嫌遲

搗得回颿鼓連環五百艘量來泥一斗漲及水三篙郡國開
倉待河渠減竈挑摩挲鐵鹿子曾謂不容刀

黃土搏人後尋常百姓家其魚重有感謂虎聽無譁金谷咄
嗟粥南城狡獪沙何人訴真宰牛斗見枯查

往歲長淮水支祁亦有神尉猶增戍已將乃授庚辰賈讓功
無敵桑欽墨尙新如何十世宥遂有執鞭人

餅水齋詩集卷十二
祀竈日自邳北渡河至徐郡作是日立春

爭將殘歲作新年河北春風第一天此水東流催客鬢其泥

一斗費官錢時勸議挑河家人消息黃羊社驛吏逢迎赤馬船認

得雲龍山在望青蒼還似十年前

餅水齋詩集卷十二

餅水齋詩集卷十三

大興舒位

疆圍單闕

初春自徐州泛舟至清河

河從天上來船如天上坐願託鯉魚書不逐鴟夷舸
藹藹上元節盈盈下水船今宵公路浦第一月華圓

黃樓

兖州城南樓老杜之所登徐州城北樓大蘇之所營人去千
載遺其形地去千里留其名千里風雨何處愁千載魂魄當
來遊我行兖州復徐州題詩何殊貉一邱猶幸詩中有酒樓
安得身著羽衣頭戴笠與公執鞭樓下立

燕子樓

燕子樓千載桃花水一方貴人薤露曲少婦鬱金堂紅粉如
春夢烏衣又夕陽雖非銑谷伎終老白雲鄉

留侯里詠古

已奉黃石教且從赤松遊報仇五世韓辟穀萬戶留辟穀之
樂非封侯封侯不過爲報仇仇既報可已已侯既封聊爾爾
君不見亞夫罔食何其鄙雖不辟穀亦餓死

歌風臺

楚也猴秦也鹿鹿逐猴乃沐信也狗籍也兔兔顧狗不悟妻
也雉妾也豕豕死雉啄矢父也真龍子也鴻鵠鴻鵠高飛真
龍失矰繳星聚於井天下乃靖風歌於臺天子乃來天子乃
來故人一杯天下乃靖大將五鼎君不見夜斬大蛇作天子
晨聽牝雞殺猛士夫子萬歲猛士死大風蕭蕭吹不止西望

長安四千里亭長還家偶然耳離別故鄉從此始魂魄雖歸
竟誰是酒亦不能飲淚亦不能已種悠悠之粉榆別茫茫之
桑梓彼可取而代也吾亦從此逝矣擊筑慷慨聲齒齒乃使
爾父老子弟泣數行下而皆莫能仰視吁嗟乎世間失意有
如此

舟過山塘聞笛

紅穗疎鐙水上樓笛聲纖遠指痕留定知吹笛人雙髻可惜
湘簾不上鉤

和宋鬻茗先生橐餘集中律體十八首

杜工部遺像

草堂相近錦官城七尺軀留一部名亂後麻屨見天子夜來
白酒醉先生凌烟閣上窮無相飯顛山頭瘦有情幸未遺訛

巾幗事鬚眉如畫祀文貞

司馬長卿故里

成都四壁得歸遲早有臨邛縣令知識曲佳人真絕代愛才
天子況同時馬蹄空載高車蓋犢鼻難遮舊酒卮略似會稽
朱太守半酣來嚇里中兒

老鼠洞

原注在簡州東隅古潦水洞也因俗傳誤遂
戶齋猶蜀中竟稱簡貓爲最過客必索焉

簡州古洞水東隅謬采翰軒作鼠居直恐寫成三日鳥幾疑
殃及一池魚亦知僻壤難供客未有清官不讀書卿在雁門
關外去近來食雁味何如

蜀碧

原注書係蜀人彭氏絕
張獻忠屠毒三巴事

恠事誰書咄咄空三年碧草染衰宏國飄羅刹風皆黑池劫
昆明火不紅列炬朝天春有脚吹簫掘地箇當胸分明一部

啼鵲血付與將軍作戰功

利州皇澤寺

原注寺有唐武氏女尼塑像

美人雲雨女人星黃土搏來入道形
修史忽編雌甲子撒簾猶勝小朝廷
補天頑石開前例動地妖螫接後庭
留得夢中鸚鵡在妙蓮華下誦殘經

破山和尚

原注張獻忠亂蜀遇之於渝逼令食肉餽食乃曰酒肉穿腸過佛在當中坐獻忠爲

免渝人之戮後示寂於保甯嘗作偈云頂笠腰包到酒樓酒風頭也收頭牛可將繩索放還收好把隻笛吹江秋一聲喚起新駒駒

酒肉穿腸葉打頭破山和尚老於牛去來縹緲誰千古人鬼
須與此一州七廟牲醪張惡子萬船風火洞庭侯不知隻笛
吹何處殘夢無聲水自流

龍鳳祠

荒祠同占日斜曛死鳳生龍想定軍可惜此才非百里誰知
天下竟三分餅如名士終難噉酒到英雄每易醺肯與雙雙
作佳傳淒涼屠釣感風雲

劍閣

劍閣崢嶸而崔嵬萬夫不閉五丁開一枝草送姜維去半夜
羶拖鄧艾來設險豈矜天下壯論仇還爲國中哀可憐壁立
幾千仞只費譙周片紙才

登黃鶴樓

登高作賦渺愁予振觸扁舟舊夢餘百戰河山漁笛外三層
樓閣酒杯初仙蹤縹緲誰騎鶴霸業銷沉不食魚想見憑欄
歌嘯久茫茫交集定何如

弔禰衡

踢翻鸚鵡一洲平江草萋萋綠近城作賦豈真能了事忌才
轉使得成名大兒北海悲前劫老子南樓弔古情七十二墳
無是處半堆黃土有先生

荊州漢壽亭侯廟

出門一笑大江橫此地江湖夜有聲早聽鼓聲思將帥

天下有變

則命一上將將荊州之軍翻因昏媾失功名中原治亂黃巾
此諸葛隆中對昭烈語也賊末路恩仇白帝城已是普天同俎豆如何偏傍呂蒙營

宋玉冢

路入荆臺十萬家陽城下蔡渺天涯文童飄泊無心緒雲雨
荒唐有鬢華黃土半鉤風弄草青琴一柱雪開花相思欲唱
招魂曲早被驚才擅楚些

望峴山

江山如畫畫難工
裘帶風流稱此公
魂魄尙遊千載後
姓名豈在一碑中
似開東晉清談局
早讓南州力戰功
憶我往年題壁處
蘚痕深似碧紗籠

木蘭花

西風嫋嫋盪湘烟
弄粉調紅又幾年
種樹書留海嶠石
詠花人坐洞庭船
女郎春夢芳無賴
遷客朝飢露泫然
觸迕水精簾
下事亂鴉飛到鬢絲邊

金谷園故址

殘園莽莽路塵空
如此繁華爾許窮
名士十年無賴賊
美人雙淚有情儂
更無玉樹珊瑚碎
會見銅駝荆棘中
何似黃金築鄙場
臍鐙紅照富家翁

挂劍臺

曾向高臺發浩歌，飄零華屋與山阿。故人別去言猶在，公子
歸來涕更多。一物留連天地老，千秋悵望死生訛。如何三尺
匣中水，不向春秋傳裏磨。

華清宮

驪山湯殿古華清，只洗凝脂不洗兵。一自波瀾流禍水，至今
風雨作秋聲。新蒲細柳江頭閉，暮草幽花輦路平。別館離宮
三十六，不須烽火也傾城。

琵琶亭

偶泊江船聽櫂歌，不知江月已生波。舊時杜曲花無賴，此地
桓伊笛柰何。九派風烟纔送客，一場春夢漸成婆。夜深亦有
關千淚，持較青衫孰最多。

東海

東海三年雨南山一笛風
金銀疑有氣刀筆竟無功
馬夢同槽鬻蛇妖賃廡
春讀書還讀律毋乃異途窮

種樹河陽笑輸薪瀚海行
可憐出關酒何處閉門羹
公案叅茶事私書落雁聲
當年定婚店祇隔一長城

題彭甘亭明經游山詩卷後

十二年前一卷詩入山太早
出山遲平生萬里半天下
恨不相逢彼一時

西峰秋老澹呼朋有句如無樹
倚藤宏景神仙靈運賊相看
何似打包僧

惆悵詩卽用香巖韻

畫壁殘詩付福娘

唐孫榮有題王福娘墻詩謂僕所作海紅瀟碧之圖

情懷飄瞥恨微

茫誰知人面桃花句又觸春愁隔歲忙

分明蘭夢美人圓一刹微塵色界天萬戶千門關不住章臺
街上柳如綿

從此紗窗掩畫樓梅花也要幾生修果然本事詩成識名士

佳人不點頭去年寄聲香巖有但有才人嫁厮養何曾名士
悅傾城之句彼時別有所感云然香巖誤會其

首今則轉成
詩識矣奇哉

通詞猶與託微波天上張星隔絳河一樣蘇州女兒曲今年

水少去年多任詢詩蘇州
女兒嫩如水

那堪日日見群鷗但覺言愁始欲愁留得人情半張紙消除

十萬錦纏頭

題鐵舟歇腳圖

不食武昌魚燒豬且一飽踢翻鸚鵡洲西笑長安道師昔行
脚路多少師今歇脚時遲早行脚不如歇脚好作脚以來誰

大小紅桑樹紅不埒青蓮花青未了應無住而生其心常有
欲以觀其竅踏破鐵鞵難覓梵嫂放下拄杖有如三寶不須
倒棚孩束縛在緇襍且來翻著鞵趺坐如栲栳忽然摸著驪
龍頷偶然留得飛鴻爪摸著便歡喜留得無煩惱畫不必擬
貫休詩不必呼賈島蒲團無恙剎竿倒歇腳歇腳腳根老慎
勿故人臥後伸留與秀才急來抱

滬上與香巖遠峰話舊感懷李味莊先生

重抱焦桐近水彈落帆聲裏暮潮乾虎賁北海詩應廢馬策
西州酒乍闌漸覺豬肝知我少更愁牛耳替人難三年懷袖
加餐字手自封題不忍看

昨於麓中忽檢
得先生手札

回首龍門謁半春書生骨相宰官身峴山魂魄俄千載滄海
文章感一塵此老不妨居戶限是誰大醉吐車茵未知腹痛

緣何事我亦孤寒八百人

玉壺山人許以妙繪易拙書卽乞作妾面郎面圖

石不可田毛不冢西抹東塗髮種種三真六草僕未能五水
十山君自重洒酣忽許投瓊瑤麗人脂粉將軍刀旣肯胸中
搖五嶽何不頰上添三豪年年被放時時見果然妾面羞郎
面別離顏色卻成雙貧賤交游剛得半石崇步障羊欣裙丹
青富貴如浮雲君如不憚加九錫我亦頗知書八分

寄懷伊甫秦淮

丁字簾前水秋來綠似裙動搖團扇月停泊洞簫雲鏡檻心
如寫衙香手自熏三年石城夢蝴蝶夜紛紛

舊怨花難替新愁草未刪腰量三殿柳眉鎖六朝山車馬題
詩去江湖載酒還寄聲劉夢得切莫唱陽關

花酒相倚曲林遠峰席上作

好花不開無主春好酒不醉無情人有酒如海花如雲龍岩
居士家不貧花非花花欲語酒非酒酒如雨酒欲不醉花不
許三十三天散花女以酒大嚼花笑拈天女轉身化爲男男
花女酒有時有一朶花澆一杯酒有花無酒花不飴有酒無
花酒不泥無花無酒數有奇有花有酒詩無題酒是護花龍
花是下酒物有酒卽學仙無花不成佛君不見濟顛一醉稱
南祖厭次三偷見西母我今仙佛兩無功但覺酒綠而花紅
花非花花是霧酒非酒酒是露花知酒知蠟燭知旁人那得
知其故君若無買酒錢酒星不在天君若無買花錢花神不
窺園贈君以曲中之三婦歌君以飲中之八仙花十八酒十
千五色之絲繡花幡一竿之竹懸酒帘乃知衆香之國必無

逐臭之夫大酺之世必無獨醒之徒願挂葫蘆去采靡蕪且
收秬秠不種葛蒲釀取半江水譜出群芳圖有花有酒無時
無無花無酒何爲乎大書特書付林逋

餞花行

吳菱校書者度夜雲間訪秋澗上始集於雙樹生玉
鑪三澗雪四絃一抹獨出冠時將爲社燕之營忽訛
市虎之至住則八公草木去則兩氣金銀於是情海
聳凝舉酒屬客商略今雨舊雨揮擲黃標紫標折徧
楊枝柳枝送得桃根桃葉爾時諧天雨花皆大歡喜
雙樹生連舉三十觥船玉山頽矣而酸棗山人量不
勝蕉爲詩讚歎云爾

年年花落花又開夜夜花去花不來月如彎弓風如箭直射

別離筵上見朝花迎夕花
餞繡幡親與護花枝
綵筆重教寄花片
金昌門四百橋紅闌干
第幾條欲翦吳淞水
恨無并州快剪刀
去作華亭鶴彈入樂府
離鸞操牽蘿補屋真愁絕
入市吹簫那分別
乞巧纔過七夕期
催租不待重陽節
八月月未圓
初七下九邊翠被舟中夜
青衫江上絃
不願花飛願花住
悄悄地商量花住處
此時人愁我亦愁
此際春留花不留
一花香百花妒
一花歡喜一花怒
桃李無言自成路
可憐門戶傍誰家
可惜關山隔幾沙
本是永豐坊裏樹
不入河陽縣中花
行行重行行
惺惺惜惺惺
蕭蕭歌易水
怱怱唱渭城
半面檀槽苦夜短
一堆蠟淚到天明
等鶯期燕無消息
曳雪牽雲無氣力
驀然十萬黃姑錢
來是鴛鴦去杜鵑
來時花似海
去日秋如水
拍徧有情人
留得青山在
纏腰卽便是纏頭
譬如

騎鶴上揚州彈琴海上知音少吹笛江邊送遠愁乃知南州
功不若臺上伎乃知北海名不若泥中婢寧作銷魂賦不作
斷腸記堪當曳落河何物沙吒利花兮花兮柰若何見花時
少別花多安得燒券萬花債繡鞵尖上三千拜

鵲巢爲秋風所破

北隣老榆不記年春風慘綠飛小錢買來天上種歷歷烏鵲
歡喜巢其巔朝見烏鵲飛暮見烏鵲歸朝朝暮暮鵲打圍老
榆忽受西風吹是日重陽滿城雨向晚狂飈拔樹舉早聞隔
夜聲啾啾恨我未嘗通鳥語朝見烏鵲飛暮不見烏鵲還夢
天壓已來日大難鵲誠知來鵲乃乾且喜巢覆仍卵完老榆
昨日猶有腔老榆今日并無椿樹猶如此鳥何擇枯查一臥
橫滄江雖然爾鵲知機早知機何似忘機好橋可一夕填樹

亦三市繞鵲鳴于埴雨不少燕巢于幕泥不埽爰居鼓鐘心
悄悄鴻雁之謀嘆喑無一飽何時更撲西鄰聚君不見海鷗
鳥

小春八日集飲范少府新柳詩屋以女郎薄雪者爲觥
錄事酒闌索句知越三日而瓜期初度也卽席占贈書
於琵琶之背

鳳皇絃上細如塵酒地詩天一種因芳樹臨風新樂府梅花
生日小陽春攜來鹿脯能供客載得鳴夷莫贈人漫訝停橈
便評泊查橋支巷是鄉親

仲翟有騎省之戚頃來吳下余適還自雲間出示去年
遊天台雁宕詩及見懷諸什旣爲評次仍題卷端

翠袖散花灘青鞵雁宕山短簫吹俄市錦瑟掩情關此畫誰

能選其詩不可剛

出示選畫樓諸卷皆雲門氏繪事

中年親戚話哀樂兩闌

珊

五岳誰禽向雙鬢彼阮劉最難昏嫁畢失笑狹斜遊促漏遙
鐘動殘杯冷炙留平生幾量屐刺刺不能休

聘梅三百樹千樹勝桃花

聘梅勝桃兩詩皆山居近事

香贈谿頭雪紅飛

洞口霞三更怨羌笛一飯感胡麻留得移春檻蕭蕭有鬢華

查橋寓館值鐵雲姨丈松郡未歸作詩見意是日得奉

先生二書

王曇

秋水人何遠梅花性愛孤手銘上皇鶴

松郡有鶴爲鶴啄斃者先生盛之郡

齋射圖作鶴家銘

心麤季鷹鱸別緒三秋葛詩情九月和登堂人

不見膜伏拜倪迂

堂中懸雲林洗樹圖是盛子昭筆

琴尾

先生詞名

千金帚

時朋好有斂錢爲刻詩詞者

雞林價莫如兩家長慶

集曩者宋汝和觀察嘗取先生四海故人書壁間多黏繭

紙三君老謂法悟門學士嘗作三君詠紅鸚一幃虛謂所撰

碧之苑耶頭打屋喜近聖人居查橋在蘇府

梯几高堂上紅顏一笑迎南樓花富貴西母月聰明孟氏

賢人出觀音佛日生挑燈談往事針孔自穿成太夫人永

長洲洗馬北苑李公之女以二月十九日誕生明年壽屆

能自穿針線問談及早年隨宦京邸時事

曰季憐枚叔姨弟從季舅姨兄愛孔融次弟樓年十三

多駁輒月猶緇裸出女弟圓華以八月鶴已鳳皇同幼弟

生時感松郡鶴化後宅相郊公在家風渭水窮羊疊有餘

淚淒側舊鬢宮蠶讀書外祖夏峰先生紹郡學舍時

質廡皋橋日艱難各一家姨來鶴市月剪老馬塍花姨以

春中遷居吳下壘
於是秋移家杭州
骨肉搏沙似功名畫餅除牽船門外住

一夜似乘查

感慨悲歌士風流儒雅師每承三體字必寄五言詩

是日得書

一紙青鳥雲間遠洪喬水上遲

舊冬承附書於鄭入員外節亭至杭見訪不值而去

一書重領取心與夜航期

折梅

折梅人住采蓮涇酒在航船第幾瓶歡喜因緣情供養別離
消息夢丁甯入懷自比前身月彈指難忘昨夜星等是四條
絃上語子絃惆悵最難聽

著雍執徐

與甌北先生論詩並奉題見貽續詩鈔後

天地有生氣終古不能死人受天地中同此一氣耳發而爲

詩歌亦是氣所使如塗塗附非活潑潑地是然非讀書多不能鞭入裏又非作詩久不能跳出底不入不知苦不出不知旨君不禁其臣父不傳之子臭腐化神奇或自妙悟始絢爛歸平淡必臻險絕止經以三百篇緯以十七史縱以五千年衡以九萬里鑄出真性情鑿成大道理其氣從空生生則烏可已

忽然典會至蠶食如有神俄頃再眠之一字不可存作詩如釀酒滋味熟則醇改詩如煎茶火候過難勻豬肝累一片雞肋戀三軍覓得針線迹修出斧鑿痕不如摧燒之當風揚其塵餘燼合不得死灰然無因詩法如兵法外陣而內屯當知楚有材勿謂秦無人而具雖狡獪卽羽扇綸巾背水固奇險非霸上棘門折屐者八千有棋局酒樽超乘者三百無匹馬

隻輪

初讀甌北詩其詩豔於雪再讀甌北詩其詩鑄如鐵久讀甌北詩大叫乃奇絕不待鍾嶸評先遣匡鼎說胸中千萬卷始得一兩篇腳根千萬里始得一兩言目中千萬世始得一兩年佞之可稱佛謫亦不失仙其詩自可傳其詩有可刪其詩不能學其詩必須讀讀詩悅我口鈔詩脫我手壯悔堂中無老學庵中有是謂讀書多是謂作詩久曰梅子熟矣聞木犀香否

法梧門先生屬題玉延秋館圖

憔悴寒畦歲有收嘉名重向小園留歡於眼底千間屋儻比胸中萬戶侯老樹著花餐似玉淡烟添墨畫成秋瓜朋蒜友能相憶鄙者真難肉食謀

又是茶烟颺鬢絲大羅天外語移時十年芋火神仙骨一日

蔬香宰相詩

用吳宛庵玉延亭詩意

何處呼龍種瑤草且須騎鶴采華

芝卻因嗜好成圖詠此味酸鹹以外知

重題仲瞿遊天台雁宕詩卷

遊山不躡禽向痕作詩直追李杜魂劉阮非仙謝非賊有句
無句行不得忽然小離小別三千年忽然獨往獨來十八天
入山無萬出詩寸一寸詩量山萬仞初取君詩讀山已在詩
內更把君詩想詩乃在山外直恐乘風飛上天幸有浮雲爲
之蓋句奇語重韓退之文從字順樊宗師鑿開混沌凡七日
推倒豪傑彼一峙山山各有形水水各有名人人物物無不
靈色相如讀畫音聲如讀曲歡喜如讀史莊嚴如讀經漏詩
之罪楚三戶開詩之功蜀五丁龍湫瀑布一斗麪石梁瀑布

一匹練如以一筆畫兩龍龍生九種龍萬變何況芙蓉海綠
桃花紅布韞青鞵大方便前身巖首座梅谿之碑無半面後
身犁眉公青田之石無一片吾不知山傳詩詩傳人或者人
傳山水詩豈有千秋萬歲長貧賤重爲贊曰死不作司馬相
如私造七十二代封禪書生必爲華陽真逸買斷三十六洞
天神仙之宅

賦得側輪車送支文川同年還桐城

健筆龍文不可扛
輓轡惆悵等緣橦
纏腰十萬騎無鶴食指
三千吠有龐妙轉法門原不二
窮追國士竟無雙
孝廉船也
差堪擬三尺團焦四面窗

來時一笑見公車
那信長安不易居
入閣呼名渾似鴨
大挑見斥
還家書券併無驢
冬官記闕誰能補
考工無舡輪之製
春夢婆來合

喚渠切莫更題橋柱上薦雄文不似相如

車前不必斑斕物車後何須塵垢囊拔戟自能成一隊鼓琴
尚可踞中央長驅轂擊遊人市小劫輪迴選佛場漸入江南
好風景未愁歧路有羊腸

無題四首

南國生紅豆西洲采白蘋當窗三豔婦空谷一佳人不嫁將
遲暮思歸最苦辛落花千萬點珍重列芳裀

鏡檻芙蓉下春風一面狂坐飄衣戍削行妮佩丁當朱鳥催
晨弄青猊換夕香牆東消息近未免避金堂

白練裙邊寫鳥衣巷裏遊簪花蠶及第鬪草蝶藏鉤鈿律拋
難記銀環退未收水精簾外月了了見梳頭

夜讀妝樓記嬋娟此豸多鉤簾拜始影遮燭待纖阿卻奏歸

風山重翻延露歌紅箋方便字惆悵託微波

有題十首

疇昔登科記連年選佛揚譽公三步痛陸氏一莊荒立仗談
何易同僚事可傷何如霍王好無短亦無長

鳳閣階前地龍門籍上名三言衛新婦一壁魯諸生虛牝何
人擲羈雌昨夜驚誰知下下考早已注陽城

選舉唐通典朝儀禹貢圖排班民戰栗對仗客魁梧龐統家
家驥王喬旦旦冕金釭吟二等無分佩銅符

淡墨題瓊筆流黃怨錦梭秀才文選半名士鯽魚多萬古當
時體千金子夜歌畫眉深淺掾狼籍幾烟螺

傳經秦博士執戟漢中郎先甲占三日春風舞一場右文今
盛事左史古同鄉誰耻居王後吳頭楚尾強

筐篋家人物巾箱進士科鈔胥兔園冊宿衛虎皮靴弱遇穿
封戍狂成曳落河比鄰聞奪席墨水一升多

柿葉青龍寺桃花白玉京霓裳同日詠金榜別糊名或被孫
山笑重煩許劭評因人過十九錄錄亦能成

秀午開文苑超辰舉茂材波臣投筆去天士曳裾來發策叅
三統持籌議八魁未應將品子平署集靈臺

溫卷閒過夏通經別買春乍羞宮女面已現宰官身祭酒饗
宮地煎茶試院人褐衣珍重在他日柳條新

藍面逢山鬼朱顏感洛妃此時程不識以下檜無譏班馬聲
中樂驪龍領下稀十三行裏字多謝寫嬉飛

積雨曉起作

偶然天欲雨其雨來駸駸如是迭晝夜忍俊殆不禁我方宿

逆旅獨抱潑水衾，蠅蝨兩鼓吹蟻蝨。七縱擒起學劉洞，坐濕作許渾。吟街柝時斷續，庭樹何蕭森。雌雷惑敗鼓，雄廳亂鳴琴。東方之旣白，老屋搖鐙深。開門看積水，三徑無人尋。居者米價賤，祝之以爲霖。行者車價貴，詛之以爲雷。豈知造物意，不能漚釜鬻。詛損祝無益，仰視浮雲陰。

飄風三尺行

吾友孝廉陳君雋卿，有才子曰吧生，幾弱冠矣，不幸早世，悼爲是詩，取王典農之兆以名篇。

飄風從何來，幢幢三尺高。占爲長子候，厥數不可逃。吾友舉進士，日日歌離騷。忽讀杏塲篇，呼痛聲如晷。天駒軼塵鞅，玉樹埋蓬蒿。如飢失觥飯，如凍裂復陶。始君騎省戚，十載絃不縹。黃楊厄其閏，近淚先號咷。我聞無計遺，首向青□搔。願君

損煩慮願君謝譁囂生天有慧業墮地無賢豪重生理難必
再索事可遭勿以譽兒癡彈作思子操顧亦念東野睹物淒
含毫余幼于阿松於去冬場安能向西河數罪如吹毛飄風來何疾飄
風去無勞已有少男風魂兮歸來舉

梧門先生前於放榜日枉顧既復爲先祖檢討公遺詩
作序見付積雨遲謝賦詩感懷凡一百二十字

北海孔文舉南山孟浩然埽門遊宴地造榜別離天記枉高
軒過重逢下第年送春人稍疎過夏話纏綿庶子雲天韻詩
龕月旦編學於舊史氏悟得大乘禪名姓中州集文章下水
船塵囊車後曳貴紙市中傳祖德杼今昔仙班接後先鳳毛
孤品喻驥髮幸周旋來有三條燭歸無二頃田杜陵新舊雨
欲向託長箋

書東坡石塔寺詩後

飯後鐘聲亦偶然
紗籠何事豔相傳
山僧若是無情者
未必留詩二十年

中書伴食點朝列
君子素餐歌國風
我爲蘇詩下轉語
陝郊寺裏寇萊公

飢來驅去報恩賒
市上簫聲塞外笳
失笑東塗西抹慣
碧紗不見見紅紗

戊辰七夕詞

今年過夏月離畢
迢遞秋陰到初七
階前流水碧於油
門外紅塵化爲漆
若云雨落不上天
今夕銀河眾星乾
但教烏鵲含情說
可使牽牛帶笑看
一年一度癡兒女
別淚如鉛逗秋
兩星娥月姊各自愁
風馬雲車不相語
誰家惆悵坐吹笙
斜

倚熏籠濕火青織得七襄雲錦段翻成一曲雨霖鈴

雨後

日日晴天養片雲蒲葵十萬障斜曛無端少女風吹樹牛肉
居然二百斤

我是參軍屋漏中也如閒事見司空若教舊雨連今雨尙有

韓王半部功辛酉歲京師大雨浹辰
余作讀論語詩六十首

不據高鞍不轉輪消磨十丈軟紅塵如何兩腳剛剛住已有

拖泥帶水人

陰晴圓缺事微茫引入青衣密雨堂忽漫投壺天一笑雄雷

已到白雲鄉

又是身雲接日頭幾家歡喜幾家愁未知丞相彈棊局識得

方言淘字不

盼得今宵月一芽籠詩猶有碧窗紗寒蟬不語栖身睡惟聽
池塘兩部蛙

七月十二日偕鄭玉峰太守自通州登舟作

舊雨中堂樹新秋下水船棲遲凡幾處欵乃又今年燕子誰
家好鱸魚也自賢高堂明鏡月歸及倚闌圓

來時春事早楊柳路旁菲去日秋風急梧桐樹上飛歲華半
卯熟書札雁行稀失笑年年放翻偕計吏歸

天津道中雜詩

楊柳青邊啼鳥桃花口外游魚此是濃春烟景秋來定復何
如

入市魚鹽蜃蛤過關竹木帆檣暫欲停橈相問不識水西舊
莊

前有七十二牖後有七十二沽山東農桑父老河上烟波釣徒

題任城太白酒樓

結客須結賀知章相士須相郭汾陽此時當浮三大白天地
中間一酒國公不必飲酒樓上眠樓不必因公被酒傳但道
公會飲此地至今徃徃有酒氣七尺之軀百尺樓出亦愁入
亦愁作詩尙有杜工部上書安得韓荊州除非天津橋南董
糟邛爲公屈注廬山瀑橫卷滄海流漢江三百綠鴨頭黃河
之水天上不再收讀公古樂府知公謫仙人感公痛飲日惜
公狂吟身一斗亦醉一石醉萬古長愁無價賣海上釣鼈鼈
無竿江上騎鯨鯨無鞍生不願封萬戶侯但願一脫千金裘
飛上鳳皇臺踢翻鸚鵡洲沉香亭花見羞夜郎國鬼與謀須

與湯泉火城貉一邛惟有青蓮花開千秋我欲醉折花枝當
酒籌而乃眼前突兀見此樓

銅船

銅船運銅各一幫來自萬里之長江三年直送江入海惟有
黃河一條水朝見銅船開暮見銅船住三朝又三暮不離前
住處七十二插秋水飛銅船來時插一旗糧船未回商船擁
官船民船不得動插官斂錢催放船銅官分錢船上眠戶部
收銅銅額短通州拆賣銅船板

中秋對月泊船去清江浦三里

把酒青天月曾經照古人不知今夜裏誰泊此江濱行旅問
三老流年彈一塵眼中公路蒲栩栩已初春

棲霞寺半山作

打槩無由且繫船紅霞一口故依然夢隨秋水來千里人與
青山別四年甲子遊此樹撼長風蒼欲語門銜落照紫添烟也知
興盡還家好何必登峰定造顛

雪如墓行爲臨川樂蓮裳孝廉題烟夢圖

菟絲引蔓不能長蓮花出泥空自芳秋月春風等閒度中有
女郎雪如墓十四學琵琶十六初破瓜不作烟豪相忽現優
曇花草蕭蕭長洲苑琴悟情廣陵散烟夢詞名秋一愁烟夢
圖成春一面不知苦相篇何如紫玉釵頭記不知墮淚碑何
如銅爵臺上伎君不見柳花如雪雪如珠嗚呼雪如雪不如
梁山舟先生書昌黎畫記題後爲戴甥貞石

視數十年如一日作數千字如一筆想見張伯英池水盡皆
黑更喜草仲將鬚髮未全白黃琉璃藤翠螺墨十斛明珠一

尺璧與畫及記作三絕銷暑重裝永勿失

天衣圖詩爲甥女蘭巖題照

似舅何無忌求仙謝自然不遺中愜事獨立珮環天景向閒
中得詩從悟後傳雨花三十六讚歎忽無邊

綵筆題詩處羊欣白練裙簪花瞻魯殿采藥住吳雲甥昔隨

汪鹿園先生觀察至山東錦字三秋記香囊十賚文蕊珠宮

近與夫婿翠亭移居吳下時翠亭赴杭州省

畔路開勝見夫君試因卽事作好語

李芑澍經歷

承烈

從軍圖

十隊元戎萬里師退之文字收之詩書生投筆能無感諸將

論功各有差細柳營中傳 詔疾芑澍隨覺羅吉制帥平西

旋以俸轉松江經歷妙蓮華下得歸遲幸然還有鶯谿絹休遺凌烟閣

上知

草檄行看捧檄回一盤苜蓿已成堆官從尊茶香中轉人在
梅花瘴裏來髀肉功名車騎後余時在威勤侯南籠戎幕鬢毛消息畫圖
開相逢一笑姬鵬躍出處依然兩秀才

重題留待山居圖

曩歲癸亥余在吳下白松閣仲瞿嘗屬其內史雲門
氏寫留待山居一圖竝請余爲記余雖曾賦四詩實
未題於圖上也迨乙丑八月仲瞿移家西湖攜此圖
去遂不復得書而余詩已爲宋觀察刊入今兩集又
越歲丁卯雲門逝世仲瞿以騎省之戚感鹿門之隱
來吳情話乞撰雲門志銘且出此圖歸余以理前說
夫留待空言也乃前之日未爲作記今日忽爲作
志且前日之詩作而未題今日之詩題而又作俯仰

今昔感從中來抑豈可以空言而置之既付瑗池并
書余前後兩題詩於圖之左右而叙其略嘉慶戊辰
冬十月既望書於松郡齋之簫材琴德軒中

散花灘上花如霧有人乘霧看花去留得青山一軸秋可惜
山留人不留三年杵白泉橋下七十二峰如讀畫烟雲供養
未移時風雨催租不論價蘇州不住住杭州皋亭秦亭學欲
流削出芙蓉屏幃裏收還翡翠筆牀頭終日看山山在眼終
日畫山山壓挽看山容易畫山難畢竟買山無一點仲瞿偕
隱難偕老此圖歸我亦大好舊詩紅入鏡中花新銘綠到湖
邊草

吳下逢畫師朱野雲

一刹微塵萬柳絲中間南北兩丸馳相逢臘月王摩詰與畫

陽關李伯時別後清琴知者少

野雲往在京師有穿箭入室行李一空惟留一琴因頗其所居爲話餘破被夢來遲

嘗爲余作破被圖有詩紀事爲法祭酒所賞

比隣自喜

天涯近賸水殘山要總持

題野雲祭硯圖

欲築避債壘誰銜東海木將書送窮文難罄南山竹歲云莫
矣雪打門夜如何其星在屋此時石田乃大熟過眼烟雲三
萬軸紙醉金迷結客場筆歌墨舞迎神曲惟士無田則不祭
硯田馨香補祭義侑祀惟多索米人傭書不恩催租吏野雲
祭硯硯有靈龍賓十二皆同盟祭品何所有梅花開一瓶祭
法何所做澆詩拜五經祭日何所見鸚之鶴之雙眼睛尺幅
直須論萬里兩石終難敵一丁我別野雲硯欲燕燕南趙北
連東吳龍不可嬌船不租願爲識字畊田夫識字畊田大可

畫只愁依樣畫葫蘆

屠維大荒落

題官尹兼自怡軒詩集

前輩三條燭中州七品官酒邊又手易花裏折腰難讀曲青衫濕幽居翠袖寒做成佳句子不厭百回看

不向長安笑聊爲吳會吟宦情雙闕遠詩思五湖深卜宅陶元亮買山支道林滄浪亭畔路蠟屐愛招尋

萬里半天下三生大石頭癡人堪說夢名士始言愁香火緣

中悟酸鹹味外求峨眉山上月曾見阿儂不

尹兼少長於蜀自號眉山余生

吳門大石頭巷母夢峨眉僧折桂花而來故小字犀禪因讀集中紀夢百韻此又同家吳下恐後不禁遂附及之殊未慮其說破也

海內天涯路雲間日下人寓公誰地主知己況鄉親北郭十

年樹東轡千里純

余嘗記室松江郡齋

不妨我輩語仍現宰官身

渡江望金山寺有作

借得東風一角天平明來上渡江船浮雲變幻江潮漲只有

青山似舊年

青山應笑我頻來如此春風一霎開可怪布帆能幾幅便教
遮住妙高臺

魚溝逆旅逢天台黃

潛

壺舟孝廉公車竝得讀其近詩

書此爲贈

恍從天姥夢遊時孤負名山十載遲人自田間來恰好詩於
路上讀尤奇殘杯冷炙都無賴布韞青鞵會有期

約遊雁宕暫隔

耿紅塵十丈夜闌秉燭話新知

曉行舊縣道中望穀城殘雪

野店飄鏗雪一萼開門細數五更籌連岡落月殘低帽著樹
春風冷撼裘黃石公書無處讀東阿王賦始言愁不知何處
梅花發昨夜青山今白頭

荏平三詩

齊石歌喉一曲低羅襦香澤醉如泥如何狗盜雞鳴外別有
風懷到滑稽滑稽于兒

黃犬東門事可憐不如黃鷄海東邊始知戰國無人物一箇
波臣魯仲連魯仲連

寫肩火色豈蹉跎一紙功名逆旅過畢竟世間皮相者不曾
心相到常何馬周

獨漉篇題涿州旅店壁上

獨漉獨漉今夕涿鹿迷陽迷陽明日良鄉

春夢

春夢紅蕤一枕醒低垂珠箔掩銀屏懷中明月當頭見足底
輕雷附耳聽雲雨荒臺人縹緲鶯花別院語恹恹青驄嘶斷
黃雞唱暗指天邊第四星

湯雨生騎尉

監汾

笠釣圖

瞥向紅塵影裏看凌烟閣外舊勳官相逢彼我應相笑三寸
毛錐七尺竿

神仙黃白易蟻跏富貴丹青一刹那賴是棄官來作客不然
何處畫漁叢

四月二十九日既送徐二韻書出都與孔三梧鄉歸至
客舍是夕風雨達旦作此寄意竝懷王仲瞿且簡張春
舫香臣兄弟

風雨夜如夢江湖春已歸懷人同逆旅送客尙斜暉駿馬影
千里落花香四圍因君尚去住彌覺素心違

今夕西窗燭并州快翦刀誰知研光帽不是鬱輪袍城北空
相憶牆東莫漫逃欖欏定惆悵恐與話蕭騷

對榻憐張籍開樽見孔融深迷萬楊柳橫隔兩衢衢名士車
塵後參軍屋漏中雞鳴殊未已頭上片雲濃

查客

查客居然犯斗牛磨牙那管蜜蜂愁兩行紅粉驚山鳥九陌
黃塵狎海鷗御史雨侵右僕射郎官星動大長秋何如柳絮
才高者只向酸鹹以外求

劉生

劉生樂府少年場聞道春風滿路香爲有鮫人來海客不知

犬子是資郎挺身收債彈長鈇勿頸論交辦急裝比似揚州
騎鶴去烟花三月正堂堂

潞河舟中作

何似閭門送別時今年更比去年遲著鞭已讓祖車騎打漿
不逢王獻之碧玉堂前花作片黃金臺畔柳牽絲不知飛燕
誰門戶腸斷雲卿古意詩

行路難二首

舟居既無水山行又多雨始知行路難有言不得語
白雲如衣不能禦寒明月如餅無以加餐王道易易何如行
路難

舊縣道中大雨

亂山四圍峽一條出店入山慄不驕月旁死魄風調刁以火

繼之火疾逃黑雲漆天天投膠不可破者上下半忽躍玉女
蓮花驍雄雷雌雷抱龍腰銀河倒瀉秋瀟瀟傾盆之雨先號
咷大雨大如甘蔗梢細雨滴瀝真珠槽大如車蓋細牛毛大
雨小雨聲動搖颺翻東海作豆拋吸盡西江當鼓敲此必有
人騎馬持天瓢不爾西楚霸王東阿嚮一戰袞袞身江潮一
淚浪浪洛水濤我欲焚雨雨不可燒我欲切雨無昆吾刀我
欲乘雨去天路不可以刳一車兩馬張三鴛馬如寒蠮車如
破巢布衫七斤蟲蠹如山高猶幸面上之塵三斗消腳底之
泥一尺淘惟有胸中塊壘萬斛不可澆然而拖泥帶水亦足
以豪君不見蘭亭落水誰何撈陸沉之厄今年遭今年陸沉
吹大簫

是日冒雨自卯歷酉行七十里至東平州則晚晴矣

戴笠乘車一濕同私門日月杳難通要知天意蒼茫裏只在
孤城返照中

黃茆屋底夢頻回門外河聲吼似雷不唱笙篌古樂府譬如
原是坐船來

東郡連年雨澤稀蕃花憔悴棗花肥霎時便抵鴉娘咒秋水
何妨沒釣磯

黃林莊舟次見月

薄霧蒼茫襲短裾揚舲淼淼夜何如往來鷗鷺閒於我得失
雞蟲冷看渠九曲河流風外靜半船秋色月中疎回頭沙渚
千鴻雁幾處殷勤有報書

單竹軒治中屬題山水知音圖

知音良獨難千古三太息既無蔡中郎燒琴之聲不可識併

無卓王孫挑琴之心不可得而被一詞宗一巾幗當時但負
盛名好顏色不見鴻都三體書惟見成都四壁立知音良獨
難吳絲蜀桐誰與彈有必不得已者乃志在流水志在高山
竹軒先生此意好圖中之人今未老我識先生面稍遲我聞
先生名最早少年舉茂材讀書兼讀律中年現宰官鹽梅卽
鹽鐵忽然掉頭不肯仕讀破左思招隱句私情只寫孝經圖
宦情肯作閒居賦知音良獨難山水之間抱其鄰不鼓者昭
文無絃者靖節焚王刺史之香據蕭常侍之石湖山蒼蒼雲
櫛櫛天風海濤空以潤我詠落花歸敢云春米逸天涯幸比
鄰筆札非脣舌相逢一笑亦蒼生無奈斯人竟不出

八月十八日石湖申月逢雨

十五遊虎邱十八石湖遊吳儂只愛看秋月不管陰晴與圓

缺過橫塘接上方，蕩柔艣飛華觴。石湖居士知何處，湖中之水流無住。不須月子唱彎彎，斜風細雨歸家去。

重九日得沈入實甫松江書卻寄

五年同聽海潮音，促漏遙鐘識此心。山遠祇疑青未了，春歸真見綠成陰。炎涼歷歷秋如約，風雨蕭蕭夜太深。振觸平生幾兩屐，初三下九記招尋。甲子修禊，奈山登高，橫雲山皆同質甫。

愛寄雲間一紙書，別離消息感居諸。尊羹千里誇無奈，榼酒三瓶味不如。玉局彈棊心自覺，金釵翦燭夢難除。殷勤爲報東曹掾，不是鱸魚是鯉魚。

讀樊川集書杜秋娘詩後

千秋一首杜秋娘，本事詩成易斷腸。留得私書衣帶裏，絕勝紅葉御溝旁。

浙西軍散別離天老去黃羅更惘然一樣瓠蘆中有月深宮
故國兩因緣

李錡既籍其伎與杜同入掖庭者
尚有鄭氏是生宣宗後爲皇太后

客問造字何以鬼哭無能答也退而作此解嘲

倉頡始造字夜聞鬼哭聲無字先有鬼此鬼不識丁私窺頡
所造莫辨蟲鳥形意當畏驅除疑是癡符詒到眼日五色不
覺雙涕零或曰冤夜哭此說殊不經毫毛雖茂茂何獨戕管
城乃知故鬼小冥頑者不靈適逢天雨粟飽食眠難醒游魂
變精氣初世仍爲人

人字從離
騷叶韻

震澤邛後同秀才

孫栢

寓書問訊竝見示易安齋詩集

卻寄十四韻

秋水三瓶酒名山一寸詩閒雞逢許劭

書自許韻林秀才
處寄來時方天曙剖

鯉愛叩遲文字緣何幸江湖興在斯我才非白也君論又玄

之花向拈來笑人於夢裏思情懷雖拓落臭味豈差池袖薄
憐假翠衣塵媿染細披言唐習氣世說晉徵詞有句如無句
今時異昔時酸鹹叅妙喻甘苦得真知卻探囊中錦都成箔
上絲閉門痴共癖集中有慰陳用楞惡瘡時與厓楞共讀舒
鐵雲體七古一首理權意先馳來書有到郡茂苑城如畫松
陵集可持相將繚絕詣鄭重采華芝

古重陽日作

最愛閒居重九名又遲十日與秋盟倚樓人作登山想題壁
詩當翦燭成晚節黃花無恙在天寒翠袖可憐生閏年小月
商留去似抵春宵一刻情

余轉徙三十年而仍居吳會有以所僑湫隘囂塵勸謀
移具他縣固未能亦不願也

讀書半袁豹識得一貧字行路百東坡踏著一賤地貧賤非
強求偶然出不意亦如富貴者俗云逼人至我身石巷生我
籍金臺隸三吳十六州中間大如礪有若馬牛風時則鴻雁
避功名不如人蹤迹略可記少隨桂海遊長就京兆試十年
身成僑兩載鴛湖憩曾逢指園人亦遇催租吏任身隸十年
沈松廬按察
以南花橋老屋借居未嘗取貲既遷嘉興則居停者甚俗每
索屋值必較錙銖且有分外相干者因遂於乙丑仍來吳下
陽羨徒空言長安大不易與爲壁上觀且作廡下寄動固不
如靜名亦不如利小人近市中真人想天際門前水滄浪樓
外山睥睨微吟卜宅詩謹謝移居議識得一貧字凡字貧在
斯踏著一賤地餘地賤視之

重有題八首

一尺宣明面三軍秀實頭望塵紅欲拜藁葬碧難收無病干

夫指多財百世謀金張好門第何事急傳郵

北闕頌綸詔東山歸繡裳胡椒能幾斛班劄不成行御史高

冠後佳人錦瑟旁可憐西市血何似戰沙場

咄咄空棲畝陳陳但指園城烏無一飽市虎有三人重運栽

官柳輕刑議鬼薪量沙如聚米此事亦相因

編戶周官法開倉漢吏才只知羊可牧誰信鳩爲媒妖夢言

能踐鄰船笛正哀浮雲爾何意紅日一輪來

天語金華殿人才玉筍班甯爲牛以後毋乃蝨其間薦牘三

朝暮簪豪五往還吹竽來廣廈一一未歡顏

鮫室波濤壯龍門鎖鑰更曉行新酒氣夜坐舊詩名顧曲周

公瑾詠懷阮步兵東陽笑城北相視喫虛驚

量滿珠三斛看殘月二分色絲楊德祖山雪卓文君乍唱雙

樓曲將加九錫文金吾不禁日娘子亦能軍

枝頭鬧杏花赤白打洪厓庭際初飛絮隄邊略礙沙傳言青

雀鳥對仗碧雲馱首冠蓬山石還來付袈去袈

單希川垂釣圖

願署漁師不做官釣魚容易做官難浮家曲占三弓水傳世

長留七尺竿自序或騎紅鯉去自序先世市隱君嘗釣於此遇異人授書仙去前盟

肯與白鷗寒疎林瘦石真如畫獨上瓜皮艇子看

淡墨添豪老畫師付君餘地與安之商量補入紅墻影玉按

南詩少珠紅墻夕陽外畫師原未次第重翻碧浪詞結客幸

到蕭山謂希川家近縣學宮墻也猶聯北郭希川僑贈人切莫網西施珊瑚翡翠能相借便擬

從君釣此詩

溧陽道中

搖過丹陽七里橋別穿幽徑蕩輕橈綠收兩岸艣聲溼青落
半天山氣柺路僻但隨枯樹轉歲寒漸覺傲裘驕平生歷徧
繁華地到此悠然意也消

却唱平陵樂府東數家茆屋夕陽中沙因有浪過時白樹向
無人看處紅隔場鈴音通騎卒沿谿蓑具住漁翁篷窗鎮日
偷閒坐轉愛遲行是逆風

金壇試院重逢松江汪蓺園明經距已未歲識於杭州
轉瞬十稔感舊抒懷竝以贈別

錢唐江上兩來船同向春風聽杜鵑

時君自閩還余自黔松還相遇於江干逆旅

菊關心三徑裏萍蓬彈指十年前功名戶限居何等文字輪

回結此緣

時同校閱鎮江郡童試卷

還有汪倫能送我金沙一曲也無邊

等是書傭雜米傭頻年江水剪吳淞何當日下荷鳴鶴不見

雲間陸士龍乍幸青鏡挑夜雨又隨烏榜唱歸風良常多少
神仙字正待君來寫數封

題陳雲伯大令碧城仙館詩鈔

前身倘是玉谿生附鶴棲鸞住碧城絕代輜軒題欲徧仙山
樓閣畫難成偶因垂手翻金縷閒看梳頭隔水精腸斷西崑
三十六絲絲楊柳又添聲

萬卷飛騰一字安撚髭容易折腰難洞天福地三生業賸水
殘山七品官主客圖中詩派在英雄記裏酒杯寬莊嚴色相
清華骨郊島誰能鬪瘦寒

上元細字衍波箋紅杏枝頭鬧幾年壓倒兩家長慶集放還
一榜大羅天美人香草癡於夢流水桃花別是禪不覺更闌
成洛誦消磨燭淚與茶烟

春明門外憶題襟歸燕詩隨別鶴吟金線衣裳殊出處玉璫
書札共浮沉種花譜在囊中貯春米人從廡下尋同向姑蘇
城裏住吹簫何似且彈琴

林遠峰與僕別於泖上荏苒三載頃移具吳下輒相過
從茲出雙樹圖索題雙樹者蓋其以姓爲號也因爲四
篇書於圖後以當情話且憶舊遊如夢云

知君夙世爲詞客與我天涯作比鄰氏族譜中聊寄意笙歌
叢裏忽抽身心灰少壯留三好手擲泥沙鑄一貧差勝本家
梅樹下鉤輶郭索詠詩人

姬隅蠻府詩無敵薄倖青樓夢有靈菩薩四時花供養將軍
一去樹飄零三千風月歸華表八百孤寒感舊銘

謂奇麗川
中丞李味

莊備兵遠峰嘗居二公幕府
最稱知遇每語次歛歎及之棖觸水天閒話裏竟誰富貴抵

丹青

秋風嫋嫋鱸魚起暮雨瀟瀟細馬馱千日中山留大醉一船
下水和狂歌遊仙夢散聞絲竹記事珠存怨綺羅誰翦吳淞
半江水樹猶如此奈人何

梁鴻夫婦能招隱王粲英雄有著書如此畫圖原不俗平生
結習未全除依人那得如飛鳥說士徒教比鯽魚楚楚可憐
惟樹子歲寒消息最關渠

夜坐欲雪仲瞿來借漢書既檢付之仍爲絕句與之論
史竝書范史班固傳後

風雪蕭蕭逼歲除瓠蘆一卷且藏諸有人細嚼梅花者半夜
敲門借漢書

奉詔蘭臺一劫塵司徒掾亦漢功臣可憐叙傳中篇外半出

刑餘半婦人

狩麟畢竟異雕蟲，醬醜文章枉自工。張輔鄭樵二人皆崇非

解事雌黃何與汗青功

英雄東閣事闌珊，白虎諸儒亦等閒。何不燕然投筆去，尙能
生入玉門關

小巖來吳飲酒於仲堪寓舍卽事有作竝送之潤州

南屏之山凍如睡，南山之僧老而醉。忽然僧醒山不醒，一舸
鳴夷下吳會。與師別者吹簫而再聽，簫聲飢欲死。三生頑石
舊精魂，一刹微塵前甲子。

癸亥別於英門

生不能見真金剛，滅不願

作閻摩王。但教醉象穿腸過，早有燒豬撲鼻香。酒花散漫銚
花結，菩薩資糧鬼神食。醉鄉日月王無功，優孟衣冠程不識。

是日忽有衣冠者入坐，其飲終席居然彥。曾接清談黃金白
徑去，賓主皆不知其爲誰何氏也。

壁五穀三已把西湖比西子還從江北望江南而我題詩藤
倚樹只恐人人無著處師能拋得杭州來不須帶却蘇州去

登開元寺甄閣

郡人稱
無梁殿

琵琶橋外開元寺一殿靈光老辯才指此直教楹可去飛時
除是燕能來國夫人法蓮華湧地藏王香蠟炬灰十七萬甄
磨作鏡可憐闢殺棟梁材

盧湘艤大令與余同貢於戊申之歲至今已巳始獲相
識其所居大石頭巷卽余懸弧處也他日奉訪有贈

帖括文章忍棄捐釣遊門巷記周旋誰知故里三千里不見

同年二十年殺賊功名會馬上依人蹤迹敢盧前

湘艤嘗爲
福文襄貝

子軍諮以戰功叙官又三年余始從征經略威勒侯勒公幕府迢迢八表停雲後猶有明星

惜此筵

相見於仲
懼席上

蕭疎宦跡稱詩名官近青山小謝城前宰桐城天長今乞養歸里大抵才

人無顯仕最憐身身有私情孝經三卷圖仍在循吏千秋傳

早成相戒華咳修絜養絳趺朱萼補吹笙太夫人與家母同庚

康山樓閣隔江開夜半鐘聲一棹回連日馮夷殊作惡反風

回祿不能災湘龍時有揚州之行至楓橋以水合返棹是夕石頭巷比隣火聞居作賦潘懷

令臘月溫經裴秀才謂令嗣茂四十年前石頭路到門

凡鳥又重來

坐久茶烟話寂寥鬢絲風裏感垂髫一篇思舊船邊笛余總角受

業唐慧園師與湘熊為文字交千古飢驅市上簫卜宅南邨原有約著書北

社定相邀自今來往無嫌熟海內天涯隔兩橋

仲瞿出示所著解經各說即書其後

絕學顛門兩不同十三經裏老雕蟲壁中絲竹紅羊劫殿上

文章白虎通作賊不曾傷事主欺人畢竟是英雄讀書種子
儒林傳自有千秋論至公

兩卷檀弓一劫灰紛綸誰是庶幾才未嘗言易鄧颺坐正欲
說詩匡鼎來悟後六經皆注腳棄餘二氏各偷胎搖豪我自
圖遮眼讓爾牲醪作別裁

寄懷子瀟

一雙紅豆一華年把酒東風在眼前麋鹿何曾戀城市鴛鴦
原不羨神仙雕蟲已過三千首騎鶴虛纏十萬錢子瀟前以
散館北上
至揚州因誰信維摩方丈室三生不著散花禪
疾回棹

崢嶸歲月未蹉跎可笑危言日出多幾欲追魂書北海尙然
落魄欠東坡在都時有謬傳
子瀟已解世者不知詛楚文誰作稍喜遊仙夢

是訛遮莫六州能鑄鐵嚙蜍李志又如何

當年詩品記司空人在龍門合傳中始欲愁時紅綬帶舊曾
遊處碧紗籠未妨綺語難成佛畢竟青春不負公我豈耻居
王後者輓爐惆悵鶴鵲法祭酒嘗爲子瀟仲瞿及余作三
君詠乙丑子瀟成進士而余與仲

瞿是科皆
未入試

問竹題梅尺素書阿蒙吳下不曾殊十年磨劔輒非鏡百里
春糴米是珠夢繞閭門情自遠花飛破寺酒相須歲寒三友
分明在謂仲遲爾扁舟聽夜歛

送蕭子山明經還婁東

不畫消寒圖不書送窮文只須吟別賦已自足消魂
茂苑城邊柳婁江水上艫今宵兩蝴蝶飛過玉山堂
彈鋏缺太長吹簫簫太短不如叩舷歌歸風可送遠
經史千秋業文章六代評齊名蕭穎士同字庾蘭成

論交海以內錄別歲之餘春水明年綠扁舟遲起予

餅水齋詩集卷十三